

中國近現代女性
學術叢刊續編捌

綫裝書局

主编 孙晓梅 第三十二册

中国近现代女性学术丛刊续编（八）

线装书局



目次

第三十二册

曹江孝女庙志(一)	(清)沈志礼辑		一
曹江孝女庙志(二)	(清)沈志礼辑		九五
曹江孝女庙志(三)	(清)沈志礼辑		一六七
曹江孝女庙志(四)	(清)沈志礼辑		二八七

(清)沈志礼辑

曹江孝女庙志(一)

圖書文庫(一)

（一）圖書文庫

曹江孝女廟誌

曹江孝女廟誌序

古帝王之治天下也孰有
大於孝者哉或曰孝爲子
職之常不幸而以孝名者

非人子之所安何也以其
非負家庭之隱痛卽遭時
勢之危迫也攷古今博誌
自大祭三辰四望外至姬

氏始命大宗伯定五祀法
而不及孝子者亦以孝爲
子職之宜盡故不列於五
祀然亦有勢處其迫於無

可奈何時本天性而出以
激烈又不可謂非處孝之
變也唐天寶年間始勅孝
婦烈女命有司所在置祠

宇量事致祭正爲處變者
以風世然考當時孝婦得
祀者自太姜至曹世叔妻
止七人烈女得祀者自齊

姜至淳于緹縈止十四人
若我越孝女曹娥誌稱投
瓜沈浪不可謂不曲盡苦
衷矧東漢距唐不遠重以

邯鄲淳之碑蔡中郎之贊
王內史之書乃祀典竟不
與焉則唐室禮臣之缺略
可知且從來至孝多出鬚

身月

矜其婦人女子則不易觀
間嘗上下古今若酒泉郡
趙娥德興程女商丘木蘭
建安曹季女晉江呂良子

南昌謝小娥臨濟四女寧
州李毅女其間以女子而
各出委曲以盡其孝者數
千年來亦落落晨星况曹

孝女年甫垂髫身赴重波
乎自漢而後與娥相類者
惟唐之樂平饒娥年十四
悲父沈屍不食而死宋莆

田林娥亦年十三投海救
父其事同其孝亦同然倡
之於先者實惟吾越孝女
也夫是以自漢迄今歷千